



kat komp.

17545

I

Mag. St. Dr.

P

*Gaspar*

*lensis*

*Kuszeu Samuelis et Antistes*


*Culmenis.*

PANEG. et VITAE

" Polon. 4.

*Nº 180.*







ANTISTES CVLMENSIS.

SEV

Illustrissimi ac Reuerendissimi Dn.

**D<sup>N</sup>. GASPARIS**

a' DZIALIN DZIALINSKI

EPISCOPI CVLMENSIS ET

POMESANIENSIS

FELICISSIMVS

In Ecclesiam Cathedralem Culmensem

INGRESSVS.

A

M. SAMVELE KVSZEWICZ, PHILO-  
sophiæ DOCTORE, Col. Lub. Profes.


In debitum pietatis & Humilis ob-  
sequij Symbolum.

DESCRIPTVS.

POSNANIAE, In officina ALBERTI REGVLI.

ANNO, M. DC. XXXX.





17745 I  
**I**psa Ecclesia devotionem Tuam, meo quidē sermone, sed suo venerabili appellat affectu, quam Christus Dominus noster, vestri fidus rector & gubernator imperij, vni desponsatam sibi, & intactam Virginem seruat, ne in eam aliquos patiamini procellarum fluctus illidi, & quietam faciem tempestatis insolitæ tumore turbari.

*Bonifacius I. ad Honorium Augustum.*





Illustrissimo ac Reuerendissimo Dn. Dn.

GASPARI àDZIALYN DZIALYN-  
SKI CVLMENSI ET POMESANIENSI

Episcopo. Dn. & Patrono Colendissimo.



Antistes celsius dari, Illustrissime Domine, iure merito credi-  
tum: non quâ lege Supremi Numinis imagines, nos ceteri,  
sine ullo discrimine, mortales; sed quâ rerum longè maxi-  
marum vos Speculatores Ecclesiæ, ad blasphemias Hæreses ex-  
tirpandas, occultofatorum arbitrio, missi. Scopus vestri Sacrique officij (quod  
nihil aliud quàm Sacrorum explanatio, & Religionis propagatio est) Christi  
Ouium utilitas & Salus: nec Vobis certior vel ad conciliandam nunquam in-  
termorituram gloriam, vel ad Immortalem Deum via. Hoc miro vtius-  
que temperamento Prædecessores Tui, Amplissimam Diæcesim sustenta-  
runt, & ad Te Romanæ Ecclesiæ, quæ columna & firmamentum veritatis  
est, puritatem transmiserunt. Illorum vestigijs non insistis modò, sed & il-  
lis vigilantia antestare videris: qui felicissimo Tuo in Episcopam ingressu He-  
terodoxorum conatus consilio inuestigasti, veritate aperuisti, magnitudine ani-  
mi vindicasti, qui exacerbatos nuper Ciuium animos, atque in publicam surgen-  
tes perniciem, sedasti: qui Varsovia, inter Comitum æstus, honesta à dete-  
rioribus, vtilia à noxijs separasti. At cum in omni Repub: omnium retrò secu-  
lorum docemur exemplis, nullo alio magis magistro opus esse in terrorem & cau-  
telam, quàm gravissimo integerrimoque Rectore, tum demùm hic mihi optimus  
Antistes videtur, qui Orbis venena, & Christianæ Religionis carcinomata, non  
magis imperio tollit, quàm exemplo. Habet enim siue in sacris, siue in prophanis,  
nescio quid latentis virtutis, præclara Antistitem vita: quæ, ut ad deterrio-  
ra populum inducit prauo instituto: ita ad optima quæque prouocat Sanctimo-  
niâ & integritate. Quam rem qui Antistites assecuti, Pietatem & Labores



coniugali vinculo copulauerint, hi mihi primum Ecclesiastica dignitatis fastigio dignissimi, & in eo diuinitus collocati videntur. Rara temporum felicitate in his Ecclesiae pastoribus. Tu, Antistes Illustrissime, primas videris optimo iure consecutus: qui egregio exemplo, & ceteris imitando, integritatem vitae primum ostendisti extirpandae Hæresis modum, Sanctioresque effecisti homines admiratione Tuae venerationis. Porro Tuae puritas vitae & Integritas, cum mihi merito laudanda essent, tantas virtutes, non minus breuiter quam simpliciter, adumbratas, Augusto Tui Nominis splendori offerendas non dubitavi: ut & deuotam obsequentissimæ mentis meæ obseruantiam in Te declararem, & tantarum virtutum Tuarum seros in Nepotes memoriam transfunderem. Nec tamen in eam partem hæc accipi velim, tanquam hæc mihi sit inscribendo copia, ut suis a me absolutum numeris aliquid porfiscisci queat, sed uti quod in hoc meo carmine de tanta laudum Tuarum detractum est amplitudine, non meæ voluntati, at earum magnitudini uniuersum tribuatur. Accipe igitur, Illustrissime Domine, quæ soles animi benignitate hoc meum, qualecunque est, munusculum; etsi fortasse maiorem in audendo iudicij desideres maturitatem, debitam saltem alacritatem lubens amplexare.

Illustris. Celsitud. Tuae

Deuotissimus cliens

M. SAMUEL KYSZEWICZ.

ANTI-



# ANTISTES CVLMENSIS.



Elix qui Proavis non degener, inclyta Sacri  
 Conscendit virtute tholi Capitolia. Virtus  
 Suadet iter, penitùsque aditus intrare repòstos.  
 Illic in medio radianti gemmea moles

Maiestate nitet, latèque superbit ouanti  
 Iaspide, Sardonichasque premit, pulchrumque Smaragdum.

Aurea flamma tholum variat, roseoque rubore

Induit. Hic vario scintillant pegmate flores

Textaque Præsuleas imitata emblemata formas,

(Enumerat quas ter de nas ex ordine Culma.)

Inuitant oculos spectantùm, & lumina poscunt.

Crediderin picto facies in pegmate, Diæ

Arte laboratas rutilo spirare metallo:

Atque locuturos mentito corpore vultus:

Et Tyrio pictas in murice viuere formas.

Huc postquam ingreditur, Culmæ melioris origo,

Præsul Auis Atausque potens, comitatur euntem

Virtutum Diuina phalanx (mirabile dictu)

Aeriumque choris iter ardet; Serta per omnes

Culmigerùm dispersa plagas. Purissima ridet

Relligio, spargensque rosas Pátientia vernas

Purpurat, Astræaque Soror Clementia bellè

Lilia natiuo violarum interferit auro

Hanc sequitur, veteri Virgo iucunda Borusso,

Aurea Pax, spirans fragranti vertice odorem:



Cui volitant flauī per candida colla capillī,  
Ad frontem aurato religat quos fibula nexu.  
Mox Dea Cælestis violati Numinis Vltrix,  
Magnanimum pectus loricâ accincta trilici,  
Fert Leges ac Iura Fori, Pacisq̃ue quietos  
Imponit mores, Mandataq̃ue publica defert.  
At clypeo indomitum munit Constantia pectus.  
Stant Adamante togæ, totosq̃ue infusa per artus  
Temperies, validâ sese metitur in hasta.  
Tempora cana Fides ligat immortalibus herbis.  
Inscia Spes curarum: & plenis Gratia riuīs  
Lætior: & placidam suadens Concordia Pacem.  
Atq̃ue verecundis suffusa ruboribus ora,  
Hinc Pudor, hinc Probitas, & castæ Mentis Honores,  
Insignes vultu Nymphæ, liquentia pennīs  
Regna secant; stridunt Zephyri, subitoque volatu  
Saucia flammīuomis clarescunt nubila gemmis:  
Et iussæ excelso fidunt in culmine Culmzæ.

Vt Templi tetigere fores, mirita relucēt  
Limina, perfusæ suspirant igne columnæ  
Sydero, & subitis riserunt omnia gemmis.  
Pallidulas violas, & quales Hybla coronas  
Gignit odoriferas, Zephyris motantibus auras,  
Gazas floris Acidalijs, & ferrugine pictas  
Luteolas spargunt Calthas, quibus ipse pepercit  
Syrius, & placido vernaes sydere fouit.

Interea illustri dum cernit in arce locatum.



Myſtam, Sarmatici Decus'immortale Senatûs,  
Vltro Relligio properans accurrit Auita,  
Luce ſuâ Templum irradians (ſic mane recenti  
Exoriens radiat rubicundo è gurgite Phæbus,  
Dùm ſtringit Geticum radijs flammantibus Hæmum,  
Aëris ipſe decus, decus & noua gloria cæli  
Stelligeri) tandem verbis his fatur amicis.

Scande Boruſſorum, Præſul Venerende, Curules:  
Te rogat altus Honos: rogat & ſibi conſcia Virtus:  
Quam non Lethææ mergent obliuia ripæ:  
Quam quâ Sol oritur, quam quâ ſe condit in vndas  
Rumor aget, niueisquæ volans ad ſydera bigis  
Euehet, & ſeros mandabit ad vſquæ Nepotes.

Vt Sol exoriens concuſſas grandine Syluas,  
Depreſſos & humi flores, languentiaquæ arua,  
Erigit, & cælum radijs terrasquæ ſerenat:  
Sic percuſſa graui Tu vulnere pectora plebis  
Chriſtiadûm reficis, iucundâ ſpe arduus implens.  
Iam modò Pruſſigenûm populus cociiſus ab hoſte,  
Te Rectore diu non ſe fore ſperat inultum:  
Et ſpolium FABROS, ereptaquæ Tempſa repoſcit.

Hæc Fortuna Tibi, vix primæ limina vitæ  
Ingreſſo, dederat felicia Symbola quondam  
Inter Pruſſiadas Sacræ prænuncia Mitræ.  
Tu Tu Culmigerûm Myſtas virtutibus omnes  
Æquaturus eras. Tibi Sacras Culmsheæ mitras  
Submittit, ſuperantquæ Tuæ omnia priſca ſagittæ.

Talem



Talem Martigenæ tranquillâ pace Quirites  
Sacrificum videre Numam, Pietate regentem.  
Romanos rerum Dominos, Gentemque Togatam.

Scande Borussorum, Præsul Venerande, Curules:  
Te rogata latus Honos, & Gentis gloria Magnæ,  
Illustresque rogant Animæ, Quas candida Virtus  
Reddidit æternâ dignas per sæcula famâ.  
Quis nescit quantum clarissima floruit olim  
Stirps hæc plena Viris. Ex hac tot fulmina belli,  
Tot fomenta Togæ, tam splendida Sydera miris  
Emicuerê modis, quot vernâ Dælius aurâ  
Spargitur in radios, ubi formosissimus annus.  
Explicat, aurifluisque rigat splendoribus Orbem.  
Aut quor cæreleæ gremium conspergere matris  
Hesper amat facibus, cum Sol concesserit astris,  
Cum Phæbe bifidæ Scintillans lumine frontis  
Urget iter, curruque volans dat lora secundo,  
Et stellas radijs longè interfulgurat omnes.

At licet ex amplo sumant primordia fonte  
Dzialinii; maiore tamen splendore feruntur.  
Stemmata, conspicuos ultra progressa Nepotes.  
Multa mihi Virtus animo multusque recurat  
Gentis Honos. Hærent infixi corde Toparchæ.  
Quos inter medius venit Pater. Ibat in armis  
Aureus: ipsum illum clypeum cristasque rubentes,  
Cum spumantis equi foderet calcaribus armos,  
Horruit Hostis atrox, & Martia pectora sentit.

Nec



Nec minus & Soboles crescit: quæ Sanguine Magnum  
Nomen in astra vehit, cuiusque à stirpe Nepotes  
Ocyus instabant natos dispellere morbos,  
Siue domi sparfos Discordia sæua tumores  
Excijt, inflammans admutua vulnera Ciues:  
Siue cruentificos mouit Bellona LEONES,  
Vandalicasque acies, Suecicique incendia Martis.  
Nec minor ad Nestrum. Nestrum Chocimáque testor  
Mænia: Moldauicos campos cùm Turcicá Lechus  
Exanimata sequens impingeret agmina castris.  
Millia multa daret letho, gemerentque repleti  
Amnes: nec reperire viam, atque euoluere posset  
In Mare se Nestor, tractus CARACAS ue per arua.,  
Præda auibus, præda ipsa feris lanianda iacebat.

Sed prius Herculei torrentia sydera monstri  
Solstitio vicina domus, locaque edita cæli  
Diffundent terris hyemem glacialibus Euris;  
Ante & conspicui summo de cardine mundi  
Flaua Lycaonio surget Pallantias axe  
Atque diem auerso subteruehet Auster olympo:  
Stabunt & cæli septem labentia signa  
Dzialinii memorem Generis quàm rite Dynastas:  
Laudibus aut meritis tollam, aut æquem ipsa canendo..  
Vt si quis iubare exorto Phæbeia demens  
Ausit obire oculis ora, atque haurire videndo:  
Ilicet ecce illi torpescunt lumina, & ipsa  
Caligant in luce oculi: tum tempora circum.



Offundit sese nubes, & fumida oberrans  
Caligo, ac nigrae caelum eripuerunt tenebrae.

Scande Borussia, Praesul Venerande, Curules:  
Te rogat altus Honos. Per Te Plutonia proles  
Centum implexa modis, centum religata catenis,  
Ad Manes imos, atque intima Tartara curret:  
Quae nunc Romuleos ritus, Sanctumque Senatum  
Execratur atrox, igni deuota futuro.  
Multa quidem monumenta Tuae virtutis habemus  
Antistes, multis venit Tibi gloria rebus:  
Atte non alia tantum iactaueris vlla,  
Iudice me, nullo ingenium Tibi se magis tollet:  
Quam quod Tecta struas, Iuuenum plaudente corona,  
Auspicijs faustis referans veneranda Lycae  
Pulpita, Doctorum & pandens monumenta virorum.  
Tu nuper Socio Magnum & venerabile Iesu  
Struxisti Templum, Phariis quod vtrinque columnis  
Irradians, superi flammis imitatur olympi:  
Spectantumque tenet varijs stupefacta figuris  
Lumina, quas doctae spiranti mollius aere  
Artificum duxere manus, maculisque politos  
Sidonij lapides mirantum reddere vultus  
Phidiacis docuere notis, velut ardua caelo  
Cynthia Phebeo noctem discriminat igne,  
Scande Borussia, Praesul Venerande, Curules:  
Culmsheae teprensat. Mea ego Tibi Munera mando:  
Comitto Tibi peioris mala Semina stirpis



Extirpanda, piam sperans cum fœnore messem,  
A docto Agricola exortas euellere SENTES.

Scande Borufforum, Præsul Venerande, Curules:  
Te rogat altus Honos. Mystarum cerne Tiaras:  
Quas Tibi virtutis stimulos illustria Templi  
Hæc simulachra, istis efficta tapetibus, addunt.

Cerne Tidemannum. Primo vt Sol splendet Eoo  
Fulgidus, & tremulis intermicat ardor in vndis:  
Sic splendet Gisij nullis, moritura diebus  
Virtus. Hoc Templum, Monimenta & conscia testor.  
Quis non suspiciat Generosi Præsulis acta,  
Æquatasque polo moles. Hoc pristina virtus  
Authore, externæ & Pietas non indiga laudis,  
Sed censu contenta suo, seseque Beata  
Respirat sincera Fides, veterumque Parentum.  
Dogmata de medijs tandem fulsere procellis.  
Hoc duce Barbaries omnis, doctisque fugatus  
Exulat error agris, ætasque diserta patentem.  
Ingenijs aperit campum, Musisque decorem  
Aonij cello deductis vertice Pindi  
Restituit, reparatque Artes meliore metallo.

Cerne Hofium Magnum. Residens Sapiencia vultu,  
Præsulis os, vultus, faciem moderatur, acutis  
Dissoluenda docens venientia vincula doxis  
Assistunt comites lateri. Constantia duris  
Non concussa malis, in Sacras pectora curas  
Excitat. At Romanus Honos radiantia tollit



Tempora. Susceptas solatur Gloria curas.  
Ponè Athesim cernes, & Mænia Sancta Tridenti  
Teuthonicæ. Namque hic Sacra claratus arenâ  
In se oculos vertit, plaudentumque ora Quiritum.,  
Transgressus Latij fines, transgressus & Alpes.

Cerne Lubodzeuium Mitrâque Peditum coruscum.  
Haud aliter dubiæ iam sub confinia lucis  
Tithoni croceo surgens aurora cubili  
Purpurat ore nitens, crinemque repexa decoro  
Pectine palantes toto fugat æthere stellas  
Humentemque polo noctis eliminat umbram.  
Ille vagas Syluis eduxit in oppida Musas:  
Magnaque Sanctorum tribuit Delubra Minorum,  
Hic ubi spumanti dum sese plurimus aluêo  
Istula diffundit, fecundos gramine campos  
Efficit, armentis & pabula læta ministrat.  
Sancta Viro facies, apicatum more Quirino  
Tegmen habens Capiti, Sacros diffundit Honores:  
Impleuitque suâ venientia sæcula famâ.

Cerne Senem Kostkam, sacra fulgere Tiarâ  
Augustâ Grauitate Virum, nec inutile pectus  
Consilij. Fuit ille Tui de Gente Parentis.  
Hoc Duce Lerna, caput Scelerum, Monstrumque nefandû  
Hæresis, audendi præscribens iura, Rapinis,  
Cædibus, & Luxu, multâque Libidine, fastu,  
Et Rabie, patulum latè famosa per Orbem.,  
Hæret Tartareis se inclusam Bellua vinculis.



Præsule sub tanto Culmâ, cessere triformes  
Hæreseos Furia. Cessit Babilonia Templis  
Sacratis Meretrix, turbato in pectore versans  
Sanguinis ingentes æstus: Caput horret in umbra.  
Non tamen est satis horrendam expulisse, nocuius  
Per saxa, & tribulos, per tesqua Secuta Magistros  
Cæcaruit, Multis funestas perfida mortes  
Attulit Hæresis. Hem serpit caligo, nec altos  
In Fidei licitum est attollere lumina Soles.  
Sic lupus insidias meditatus, pascua circum  
Insectatur oues, rabie ferus, improbus irâ,  
Pertentatque aditum, & septis sese arduus infert,  
Dentibus infrendens, & morfu exasperat iras.

Huc geminas nunc flecte acies; hanc aspice Gentem,  
Prussiadasque Tuos. Duo fulgida sydera morum  
Cerne Conopatios. Decus, Excellentia, Robur  
Alter Consilij: cuius Prudentia Magnis  
Claruit eximiè rebus: multosque per annos  
Non alto Simulata gradu, non improba gestu;  
Sed clara ingenio, & Magnis virtutibus aucta  
Nobilitas spectata fuit. Nec Prussica quondam  
Vllo se tantum tellus iactabit Alumno.  
Alter at (annorum tria bis propè lustra feruntur.)  
Enituit Culmæ, pariter pietate vel Armis  
Maiorum eripiens cariosæ gesta Senectæ:  
Perpetuisque sua æternavit stemmata fastis.  
Aspice quantus Honos frontis, quæ Gratia blandis.



Interfusa genis, quàm mitis flamma decoris  
Fulguret ex oculis, quàm conspirarit amico  
Fædere Præsuleâ cum Maiestate venustas.  
Pectora nec formæ cedunt exercita curis  
Palladijs, & Pierias exculta per artes  
Tranquillant placidos Sophiâ sub iudice mores.  
Vis & Gembicios Magnos, Animamque Superbam  
Tilicij Petri, Templumque videre receptum?  
Hæresis imperium hic quondam, curesque rebelles  
Contempsit: Mediâ cesserunt Sede Ioannis.

Hæc ita Præsulei referunt monumenta laboris:  
Hinc imitanda petas exempla domestica vitæ.  
Qui Mystæ? Quantas ostendant aspice dotes,  
Atque umbrata gerunt sacratâ tempora Mitrâ?  
Hi tibi sint stimulo. Factis imitare Priores.  
Nulla quidem virtus est Præsule dignior, ardens  
Quàm pietatis Amor: quocirca ante omnia curam  
Relligionis agas, & propagare memento  
Sacros Romulidum ritus, moremque Sacrorum.  
Cerne ut Tartareis emissa hortatibus auras  
Eumenis irrupit, colubrisque innexa sonoris  
Agmina terrificis variarum ambage viarum  
Sedibus elicuit, statuitque sub aurea cæli  
Sydera concordēs in bella mouentia fratres,  
Assuetisque dolis miscentia Sacra prophanis.  
Ipsaque (prò crudele nefas) in crimina sese  
Omnia conglomerans sæuos adiunxit ad usus



Nequicquam invalida, & pectus suffusa veneno  
Impia Bálthiacum discordia nauigat æquor,  
Sacrilegis accincta Dolis, centumque Furores  
Centenasque vehat fraudes, odiumque, Minasq;  
Sanguineumque Nefas: uidi glomerata per vndas  
Agmina, Prusiacasque vadis crebescere pestes.  
Sed Tibi Fata fauent: Tu Monstra ingentia victor  
Funde Manu. Non Te liuentibus obsitus umbris  
Cocytos: non sparsa novem per iugera Monstrum.  
Aut inpacata deterreat incola Lernæ.

Hinc ego (namque mihi fatorum arcana loquuntur)  
Crediderim Fas ac Leges, & Iura, Piumque  
Et Rectum ventura, & Amicæ fœdera pacis.  
Aurea quin posito paccatis sæcula Marte  
Florebunt Prusis, ceu cum Saturnus olympo  
Venit ab æthereo, fugiens scelerata furentis  
Arma Iovis, duroque homines é robore natos  
Composuit, vitæ ducens melioris in usus.  
Rursus & instructi sacris de more priorum  
Legibus, vnanimes simul intemerata Borussi  
Liba frequentabunt, & Relligionis Honores  
Optima posteritas rutilum super æthera tollet.

Talia dicta dabat, memorans monumentar Priorum,  
Relligio: in Templo mox interiore resedit.  
Lata suo: & numerum, Diuorum Altaribus auxit.









stdr0014479



Biblioteka Jagiellońska



